

Gera skal skriflegan ráðningarsamning við fastráðna starfsmenn, þar sem m.a. skal kveðið á um ráðningartíma og uppsagnarfrest sbr. 1. mgr. svo og starfssvið þeirra. Um kaup og kjör fer eftir ráðningarsamningi og gildandi kjarasamningum.

67. gr.

Um ráðningu verkamanna, afleysingamanna og annrara starfsmanna sem eigi eru ráðnir með 3 mánaða uppsagnarfresti fer eftir reglum sem hreppsráð setur. Um kaup og kjör fer eftir kjarasamningum viðkomandi stéttarfélaga.

Samþykkt þessi, sem hreppsnefnd Dalabyggðar hefur sett samkvæmt ákvæðum 3. mgr. 7. gr. og 49. gr. sveitarstjórnarlaga nr. 8/1986, staðfestist hér með til að öðlast þegar gildi. Jafnframt fellur úr gildi samþykkt um stjórn og fundarsköp Haukadalshrepps nr. 306/1987 og samþykkt um stjórn og fundarsköp Hvammshrepps nr. 258/1988.

Félagsmálaráðuneytið, 29. nóvember 1994.

F. h. r.

Berglind Ásgeirsdóttir.

Sesselja Árnadóttir.

AUGLÝSING

um breytingu á reglum um gerð ársreiknings
viðskiptabanka, sparisjóða og annarra lánastofnan nr. 554/1994.

1. gr.

2. mgr. 64. gr. fellur brott.

2. gr.

Við reglurnar bætist ákvæði til bráðbirgða er orðist svo:

Ákvæði til bráðbirgða.

Þrátt fyrir ákvæði 90. gr. skal ársreikningur fyrir árið 1994 saminn í samræmi við ákvæði reglna um ársreikning viðskiptabanka og sparisjóða nr. 77/1986 með síðari breytingum og í samræmi við almennar reglur fyrir lánastofnanir aðrar en viðskiptabanka og sparisjóði.

3. gr.

Reglur þessar, sem settar eru með vísan til 57. gr. og 6. mgr. 66. gr. laga um viðskiptabanka og sparisjóði nr. 43/1993 og 11. gr. laga um lánastofnanir aðrar en viðskiptabanka og sparisjóði nr. 123/1993, öðlast þegar gildi.,

Seðlabanki Íslands, 29. nóvember 1994.

Birgir Ísleifur Gunnarsson.

Steingrímur Hermannsson.